

44

ԿԱՆՈՆԱԴՐՈՒԹՅՈՒՆ Ա.Բ.ԽԱՋԱԿԱՆ Ա.ԽՍՀ ԳԵՐԱԳՈՒՅՆ ԽՈՐՀՐԴԻ ԸՆՏՐՈՒԹՅՈՒՆՆԵՐԻ



342.8
Ս-14



6-14

04 MAR 2010

1938 [7/11]

ԲԲ .01. 2013



5757

38

ԳԼՈՒԽ I

ԸՆՏՐԱԿԱՆ ՍԻՍՏԵՄԸ

ՀՈԴՎԱԾ 1. Աբխազական ԱՆՍՀ Սահմանադրության 101-րդ հոդվածի հիման վրա Աբխազական ԱՆՍՀ Գերագույն խորհրդի պատգամավորների ընտրություններն ընտրողների կողմից կատարվում են ընդհանուր, հավասար և ուղղակի ընտրական իրավունքի հիման վրա՝ գաղտնի քվեարկությամբ:

ՀՈԴՎԱԾ 2. Աբխազական ԱՆՍՀ Սահմանադրության 102-րդ հոդվածի հիման վրա պատգամավորների ընտրություններն ընդհանուր են, —Աբխազական ԱՆՍՀ բոլոր քաղաքացիները, Վորոնք հասել են 18 տարվան, անկախ ռասայական ու ազգային պատկանելիությունից, դավանանքից, կրթական ցենզից, նստակեցությունից, սոցիալական ծագումից, գույքային գրությունից և անցյալ գործունեությունից, իրավունք ունեն մասնակցելու պատգամավորների ընտրություններին և ընտրվելու Աբխազական ԱՆՍՀ Գերագույն խորհրդի մեջ, բացառությամբ խելագարների և այն անձանց, վորոնք դատարանների կողմից դատապարտված են ընտրական իրավունքների զրկումով:

ՀՈԴՎԱԾ 3. Աբխազական ԱՆՍՀ Սահմանադրության 103-րդ հոդվածի հիման վրա պատգամավորների ընտրությունները հավասար են, —յուրաքանչյուր քաղաքացի ունի մեկ ձայն, բոլոր քաղաքացիներն ընտրություններին մասնակցում են հավասար հիմունքներով:

ՀՈԴՎԱԾ 4. Աբխազական ԱՆՍՀ Սահմանադրության 104-րդ հոդվածի հիման վրա կանայք ընտրելու և ընտրվելու

լու իրավունքից ոգտվում են տղամարդկանց հետ համահավասար:

ՀՈԴՎԱԾ 5. Աբխազական ԱԽՍՀ Սահմանադրության 105-րդ հոդվածի հիման վրա Կարմիր Բանակի շարքերում գտնվող քաղաքացիներն ընտրելու և ընտրվելու իրավունքից ոգտվում են բոլոր քաղաքացիների հետ համահավասար:

ՀՈԴՎԱԾ 6. Աբխազական ԱԽՍՀ Սահմանադրության 109-րդ հոդվածի հիման վրա ընտրությունների ժամանակ թեկնածուներն առաջադրվում են ըստ ընտրական օկրուգների:



ԳԼՈՒԽ II

ԸՆՏՐՈՂՆԵՐԻ ՑՈՒՑԱԿՆԵՐԸ

ՀՈԴՎԱԾ 7. Ընտրողների ցուցակները կազմվում են քաղաքներում՝ աշխատավորների պատգամավորների քաղաքային խորհրդի կողմից, իսկ գյուղական վայրերում ու գյուղակներում՝ աշխատավորների պատգամավորների գյուղական խորհրդի կողմից:

ՀՈԴՎԱԾ 8. Ընտրողների ցուցակների մեջ մտցվում են ընտրությունների որը 18 տարին լրացրած այն բոլոր քաղաքացիները, վորոնք ունեն ընտրական իրավունք և ցուցակները կազմելու մոմենտին բնակվում են (մշտապես կամ ժամանակավորապես) տվյալ խորհրդի տերիտորիայում:

ՀՈԴՎԱԾ 9. Ընտրողների ցուցակների մեջ չեն մտցվում այն անձինք, վորոնք դատական վճռով ընտրական իրավունքներից զրկված են՝ ընտրական իրավունքներից զրկելու վերաբերյալ դատավճռի մեջ սահմանված ամբողջ ժամանակամիջոցում, ինչպես նաև այն անձինք, վորոնք որենքով սահմանված կարգով ճանաչված են խեղազար:

ՀՈԴՎԱԾ 10. Ընտրողների ցուցակները կազմվում են ըստ յուրաքանչյուր ընտրական տեղամասի այբբենական կարգով, մատնանշելով ընտրողի ազգանունը, անունը, հայրանունը, տարիքն ու բնակությանը վայրը և ստորագրում են աշխատավորների պատգամավորների խորհրդի նախագահի ու քարտուղարի կողմից:

ՀՈԴՎԱԾ 11. Ընտրողներից վոչ վոք չի կարող մրաջվել մեկից ավելի ընտրական ցուցակի մեջ:

ՀՈԴՎԱԾ 12. Այն ընտրողների ցուցակները, վորոնք գտնվում են զինվորական մասերում և զինվորական միավորումներում, կազմվում են հրամանատարութայն կողմից, հրամանատարի և զինվորական կոմիսարի ստորագրութայն ներով: Մյուս բոլոր զինվորական ծառայողներն ընտրողների ցուցակների մեջ մտցվում են ըստ բնակութայն վայրի՝ աշխատավորների պատգամավորների համապատասխան խորհրդների կողմից:

ՀՈԴՎԱԾ 13. Հիվանդանոցներին, ծննդատներին, սանատորիաներին և այլ բուժական հիմնարկներին կից ստեղծվող ընտրական տեղամասերի ընտրողների ցուցակները կազմվում են, զբանց մեջ մտցնելով ինչպես հիվանդ քաղաքացիներին, այնպես և ընտրութայնների որը հերթագահութայն մեջ գտնվող բուժիչ անձնակազմին:

Ընտրութայններին չեն կարող մասնակցել այն հիվանդները, վորոնք գտնվում են սկզբնական և գիժտերիայի բաժանմունքներում:

ՀՈԴՎԱԾ 14. Ընտրութայններից 30 օր առաջ աշխատավորների պատգամավորների խորհուրդը կախում է ընտրողների ցուցակները՝ ընդհանուրի գիտութայն համար, կամ ընտրողների համար հնարավորութայն է ապահովում այդ ցուցակներին ծանոթանալու խորհրդի շենքում:

ՀՈԴՎԱԾ 15. Ընտրողների ցուցակների բնագիրը պահվում է համապատասխանորեն՝ աշխատավորների պատգամավորների խորհրդում և զինվորական մասում կամ զինվորական միավորման մեջ:

ՀՈԴՎԱԾ 16. Այն դեպքում, յերբ ընտրողն, ընտրողների ցուցակի հրապարակման և ընտրութայնների որվա միջև ընկած ժամանակամիջոցում փոխում է իր բնակութայն վայրը, աշխատավորների պատգամավորների համապատասխան խորհուրդը նրան տալիս է կնարկական ընտրական հանձնաժողովի կողմից սահմանված ձևի «բնակարկու-

թյան իրավունքի վկայական» և ընտրողների ցուցակի մեջ նշվում են—«մեկնեց»։ Նոր բնակավայրում—մշտական կամ ժամանակավոր—ընտրողը մտցվում է ընտրողների ցուցակի մեջ, ներկայացնելով անձնական վկայական, ինչպես նաև «բնակարկութայն իրավունքի վկայական»:

ՀՈԴՎԱԾ 17. Ընտրողների ցուցակի մեջ անճշտութայն լինելու վերաբերյալ (ցուցակի մեջ չմտցնելը, ցուցակից հանելը, ազգանվան, անվան, հայրանվան աղավաղումը, ընտրական իրավունքներից զրկված անձանց սխալ կերպով ցուցակի մեջ մտցնելը) դիմումը տրվում է աշխատավորների պատգամավորների այն խորհրդին, վորը հրապարակել է ցուցակը:

ՀՈԴՎԱԾ 18. Աշխատավորների պատգամավորների խորհրդի գործադիր կոմիտեն պարտավոր է յերեք օրվա ընթացքում քննութայն առնել ընտրողների ցուցակի մեջ անճշտութայն լինելու վերաբերյալ տրված յուրաքանչյուր դիմում:

ՀՈԴՎԱԾ 19. Ընտրողների ցուցակի մեջ անճշտութայն լինելու վերաբերյալ դիմումը քննարկելուց հետո աշխատավորների պատգամավորների խորհրդի գործադիր կոմիտեն պարտավոր է կամ անհրաժեշտ ուղղումներ մտցնել ընտրողների ցուցակի մեջ, կամ դիմում տվողին գրավոր տեղեկանք տալ նրա դիմումը մերժելու նկատառումների մասին. աշխատավորների պատգամավորների խորհրդի վորոշման հետ համաձայն չլինելու դեպքում դիմում տվողը կարող է բողոք ներկայացնել ժողովրդական դատարանին:

ՀՈԴՎԱԾ 20. Ժողովրդական դատարանը պարտավոր է յերեք օրվա ընթացքում դատական դռնբաց նիստում, դիմում տվողի և խորհրդի ներկայացուցչի ներկայութայնբ, քննութայն առնել ցուցակի մեջ անճշտութայն լինելու վերաբերյալ բողոքը և իր վճիռն անհապաղ հայտնել ինչպես՝ դիմում տվողին, այնպես և խորհրդին: Ժողովրդական դատարանի վճիռը վերջնական է:

ԱՔԻԱԶԱԿԱՆ ԱԽՍՀ ԳԵՐԱԳՈՒՅՆ ԽՈՐՀՐԴԻ ԸՆՏՐՈՒԹՅՈՒՆՆԵՐԻ
ԸՆՏՐԱԿԱՆ ՈՎՐՈՒԳՆԵՐԸ

ՀՈԴՎԱԾ 21. Արխագական ԱԽՍՀ Սահմանադրութեան 22-րդ հոդվածի հիման վրա Արխագական ԱԽՍՀ Գերագույն խորհուրդն ընտրվում է Արխագական ԱԽՍՀ քաղաքացիների կողմից ըստ ընտրական ուղղակիության:

ՀՈԴՎԱԾ 22. Արխագական ԱԽՍՀ Գերագույն խորհրդի ընտրութեան ընտրական ուղղակի կազմվում է հետևյալ սկզբունքով—3000 բնակիչ՝ յուրաքանչյուր ուղղակին: Արխագական ԱԽՍՀ Գերագույն խորհրդի ընտրութեան յուրաքանչյուր ընտրական ուղղակի ուղարկվում է մեկ պատգամավոր:

ՀՈԴՎԱԾ 23. Արխագական ԱԽՍՀ Գերագույն խորհրդի ընտրութեան ընտրական ուղղակիները կազմվում են Արխագական ԱԽՍՀ Գերագույն խորհրդի նախագահութեան կողմից:

ՀՈԴՎԱԾ 24. Արխագական ԱԽՍՀ Գերագույն խորհրդի ընտրութեան ընտրական ուղղակիների ցուցակը հրապարակվում է Արխագական ԱԽՍՀ Գերագույն խորհրդի նախագահութեան կողմից ընտրութեան ընտրական ուղղակիները նշանակելու հետ միաժամանակ:



ԸՆՏՐԱԿԱՆ ՏԵՂԱՄԱՍԵՐԸ

ՀՈԴՎԱԾ 25. Ընտրական բյուլետենները ընդունելու և ձայները հաշվելու համար, Արխագական ԱԽՍՀ Գերագույն խորհրդի ընտրութեան ընտրական ուղղակիների մեջ մտնող քաղաքների ու շրջանների տեղիտորիան բաժանվում է ընտրական տեղամասերի:

ՀՈԴՎԱԾ 26. Ընտրական տեղամասերը կազմվում են քաղաքներում՝ աշխատավորների պատգամավորների քաղաքային խորհուրդների կողմից, իսկ գյուղական վայրերում՝ աշխատավորների պատգամավորների շրջանային խորհուրդների կողմից:

ՀՈԴՎԱԾ 27. Ընտրական տեղամասերը կազմվում են վոչ ուշ քան ընտրութեան 45 օր առաջ:

ՀՈԴՎԱԾ 28. Յերկու հազարից վոչ ավելի բնակիչ ունեցող գյուղխորհրդի տեղիտորիան կազմվում է, իբրև կանոն, մեկ ընտրական տեղամաս. յուրաքանչյուր գյուղակում և գյուղում, վորն ունի 500-ից մինչև վոչ ավելի քան 2000 բնակիչ, կազմակերպվում է առանձին ընտրական տեղամաս:

Այն գյուղերում կամ այն մի խումբ գյուղերում, վորոնց բնակչությունը 500-ից պակաս է, բայց վոչ պակաս, քան 300 հոգի, յերբ այդպիսի գյուղերի հեռավորությունն ընտրական տեղամասի կենտրոնից ավելի յե 10 կիլոմետրից, կարող են կազմվել առանձին ընտրական տեղամասեր:

ՀՈԴՎԱԾ 29. Լեռնային ու քոչվորական գյուղերում, Աբխազական ԱԽՍՀ Գերագույն Խորհրդի նախագահության թույլտվությամբ կազմակերպվում են առանձին ընտրական տեղամասեր, յեթե բնակչության թիվը 100-ից պակաս է, բայց վոչ պակաս, քան 50 հոգի:

ՀՈԴՎԱԾ 30. Այն քաղաքները, բանվորական ավանները, ինչպես նաև գյուղերն ու գյուղխորհրդի տերիտորիան, վորոնք ունեն 2.000 բնակչից ավելի, ընտրական տեղամասերի են բաժանվում հետևյալ հաշվով՝ մեկ ընտրական տեղամաս 1.500-2.500 բնակչին:

ՀՈԴՎԱԾ 31. Զինվորական մասերը և զինվորական միավորումները կազմում են առանձին ընտրական տեղամասեր, վոչ պակաս քան 50 և վոչ ավելի քան 1.500 ընտրողներով, վորոնք մտնում են ընտրական ոկրուգիմեջ ըստ այն վայրի, վորտեղ գտնվում է զորամասը կամ զինվորական միավորումը:

ՀՈԴՎԱԾ 32. Հիվանդանոցներին, ծննդատներին, սանատորիաներին, հաշմանդամների տներին կից, վորոնք ունեն առնվազն 50 ընտրող, ստեղծվում են առանձին ընտրական տեղամասեր:

Մի քանի կորպուս ունեցող հիվանդանոցներում թույլատրվում է առանձին կորպուսներին կից ստեղծել ընտրական տեղամասեր, կորպուսներին յուրաքանչյուրում առնվազն 50 ընտրող լինելու դեպքում:

Այն հիվանդանոցներում և այլ բուժական հիմնարկներում, վորտեղ առանձին ընտրական տեղամասեր չեն կազմակերպվում, թույլատրվում է ընտրական բյուլլետեններն ընդունել հենց հիվանդանոցներում և բուժ. հիմնարկներում՝ ընտրական հանձնաժողովների առանձին անդամների կողմից: Այդ դեպքում հիվանդանոցներն ունենում են առանձին քվեատուվեր:

ՀՈԴՎԱԾ 33. Այն նավերը, վորոնք ունեն առնվազն 25 ընտրող և ընտրությունների որը գտնվում են նավարկության մեջ՝ կարող են կազմել առանձին ընտրական տեղամասեր. այդ տեղամասերը մտնում են նավի կցման վայրի ընտրական շրջանի մեջ:



ԳԼՈՒԽ V

ԸՆՏՐԱԿԱՆ ՀԱՆՁՆԱԺՈՂՈՎՆԵՐ

ՀՈԴՎԱԾ 34. Աբխազական ԱԽՍՀ Գերագույն Խորհրդի Կենտրոնական ընտրական հանձնաժողովը կազմվում է հասարակական կազմակերպությունների ու ընկերությունների ներկայացուցիչներից և հաստատվում է Աբխազական ԱԽՍՀ Գերագույն Խորհրդի նախագահության կողմից՝ ընտրությունների որը հրապարակվելու հետ միաժամանակ:

ՀՈԴՎԱԾ 35. Կենտրոնական ընտրական հանձնաժողովը կազմվում է նախագահից, նախագահի տեղակալից, քարտուղարից և 10 անդամից:

ՀՈԴՎԱԾ 36. Կենտրոնական ընտրական հանձնաժողովը՝

ա) Աբխազական ԱԽՍՀ ամբողջ տերիտորիայում հրահույն է ընտրությունների ընթացքում «Աբխազական ԱԽՍՀ Գերագույն Խորհրդի ընտրությունների կանոնադրության» անշեղ կատարմանը:

բ) Քննություն է առնում ընտրական հանձնաժողովների սխալ գործողությունների վերաբերյալ բողոքները և բողոքների առթիվ կայացնում է վերջնական վճիռներ:

գ) Սահմանում է կնիքների, քվեատուփերի նմուշները, «քվեարկության իրավունքի վկայականի» ձևը, ընտրական բյուլլետենների և նրանց ծրարների ձևն ու գույնը, ընտրողների ցուցակի ձևը, ձայները հաշվելու արձանագրության ձևը, ընտրվելու վերաբերյալ վկայականի ձևը:

դ) ցուցակագրում է Աբխազական ԱԽՍՀ Գերագույն Խորհրդի մեջ ընտրված պատգամավորներին:

յե) Աբխազական ԱԽՍՀ Գերագույն Խորհրդի մանդատային հանձնաժողովին է հանձնում ընտրությունների վերաբերյալ գործավորությունը:

ՀՈԴՎԱԾ 37. Աբխազական ԱԽՍՀ Գերագույն Խորհրդի ընտրությունների յուրաքանչյուր ընտրական Ոկրուգում ստեղծվում է Աբխազական ԱԽՍՀ Գերագույն Խորհրդի ընտրությունների Ոկրուգային ընտրական հանձնաժողով:

ՀՈԴՎԱԾ 38. Աբխազական ԱԽՍՀ Գերագույն Խորհրդի ընտրությունների Ոկրուգային ընտրական հանձնաժողովները կազմվում են աշխատավորների հասարակական կազմակերպությունների և ընկերությունների ներկայացուցիչներից և հաստատվում են Աբխազական ԱԽՍՀ Գերագույն Խորհրդի նախագահության կողմից՝ վոչ ուշ, քան ընտրություններին 55 օր առաջ:

ՀՈԴՎԱԾ 39. Աբխազական ԱԽՍՀ Գերագույն Խորհրդի ընտրությունների Ոկրուգային ընտրական հանձնաժողովը կազմվում է նախագահից, նախագահի տեղակալից, քարտուղարից և 6 անդամից:

ՀՈԴՎԱԾ 40. Աբխազական ԱԽՍՀ Գերագույն Խորհրդի ընտրությունների Ոկրուգային ընտրական հանձնաժողովը՝

ա) հսկում է, վորպեսզի աշխատավորների պատգամավորների Խորհրդների համապատասխան գործադիր կոմիտեներն ընտրական տեղամասերը ժամանակին կազմակերպեն:

բ) սահմանում է ընտրական տեղամասերի հերթական համարները:

գ) հսկում է ընտրողների ցուցակները ժամանակին կազմելու և ընդհանուրի գիտությունը հասցնելուն:

դ) ցուցակագրում է Աբխազական ԱԽՍՀ Գերագույն

Խորհրդի պատգամավորության թեկնածուներին, վորոնք առաջադրված են Արխագական ԱԽՍՀ Սահմանադրության և «Արխագական ԱԽՍՀ Գերագույն Խորհրդի ընտրությունների կանոնադրության» պահանջների պահպանումով:

յե) տեղամասային ընտրական հանձնաժողովներին մատակարարում է սահմանված ձևի ընտրական բյուլլետեններ ու ծրարներ:

զ) հաշվում է ձայները և վորոշում ընտրությունների արդյունքները՝ ըստ ոկրուզի:

ե) Կենտրոնական ընտրական հանձնաժողովին է ներկայացնում ընտրությունների վերաբերյալ գործավարությունը:

ը) ընտրված պատգամավորին վկայական է տալիս ընտրվելու մասին:

ՀՈՂՎԱԾ 41. Տեղամասային ընտրական հանձնաժողովները կազմվում են աշխատավորների հասարակական կազմակերպությունների ու ընկերությունների ներկայացուցիչներից և հաստատվում են քաղաքներում՝ աշխատավորների պատգամավորների քաղաքային Խորհրդների կողմից, իսկ գյուղական վայրերում՝ աշխատավորների պատգամավորների շրջանային Խորհրդների կողմից—վոչ ուշ, քան ընտրություններից 40 որ առաջ:

ՀՈՂՎԱԾ 42. Տեղամասային ընտրական հանձնաժողովը կազմվում է նախագահից, նախագահի տեղակալից, քարտուղարից և 2-6 անդամից:

ՀՈՂՎԱԾ 43. Տեղամասային ընտրական հանձնաժողովը՝ ա) ընտրական տեղամասում կատարում է ընտրական բյուլլետենների ընդունումը:

բ) հաշվում է Արխագական ԱԽՍՀ Գերագույն Խորհրդի պատգամավորության յուրաքանչյուր թեկնածույին տրված ձայները:

գ) ընտրությունների վերաբերյալ գործավարությունը հանձնում է Ոկրուզային ընտրական հանձնաժողովին:

ՀՈՂՎԱԾ 44. Կենտրոնական ընտրական հանձնաժողովի, Ոկրուզային և Տեղամասային ընտրական հանձնաժողովների նիստերն որինական են համարվում, յեթե նրանց մասնակցում է հանձնաժողովի ընդհանուր կազմի կեսից ավելին:

ՀՈՂՎԱԾ 45. Ընտրական հանձնաժողովներում բոլոր հարցերը վճռվում են ձայների հասարակ մեծամասնությամբ, ձայները հավասար լինելու դեպքում—նախագահի ձայնը գերակշռություն է տալիս:

ՀՈՂՎԱԾ 46. Արխագական ԱԽՍՀ Գերագույն Խորհրդի ընտրությունների հետ կապված ծախսերը կատարվում են պետության հաշվին:

ՀՈՂՎԱԾ 47. Կենտրոնական ընտրական հանձնաժողովը, Ոկրուզային և Տեղամասային ընտրական հանձնաժողովներն ունեն իրենց կնիքը՝ Կենտրոնական ընտրական հանձնաժողովի սահմանած ձևով:

★

ԱԲԻԱԶԱԿԱՆ ԱԽՍՀ ԳԵՐԱԳՈՒՅՆ ԽՈՐՀՐԴԻ ՊԱՏԳԱՄԱՎՈՐՈՒ-
ԹՅԱՆ ԹԵԿՆԱԾՈՒՆԵՐ ԱՌԱՋԱԴՐԵԼՈՒ ԿԱՐԳԸ

ՀՈԴՎԱԾ 48. Աբխազական ԱԽՍՀ Գերագույն Խորհրդի թեկնածուներ առաջադրելու իրավունքը Աբխազական ԱԽՍՀ Սահմանադրության 109-րդ հոդվածի հիման վրա ապահովվում է աշխատավորների հասարակական կազմակերպությունների և ընկերությունների—կոմունիստական կուսակցական կազմակերպությունների, արհեստակցական միությունների, կոոպերատիվների, յերիտասարդության կազմակերպությունների, կուլտուրական ընկերությունների և այլ կազմակերպությունների համար, վորոնք զբանցված են որենքով սահմանված կարգով:

ՀՈԴՎԱԾ 49. Թեկնածուներ առաջադրելու իրավունքն իրականացնում են աշխատավորների հասարակական կազմակերպությունների և ընկերությունների ինչպես հանրապետական որգանները, այնպես և նրանց շրջանային որգանները, նույնպես և բանվորների ու ծառայողների ընդհանուր ժողովները՝ ձեռնարկություններում, կարմիր բանակայինների ընդհանուր ժողովները—զորամասերում, ինչպես և գյուղացիների ընդհանուր ժողովները—կոլտնտեսություններում, խորհրտնտեսությունների բանվորների ու ծառայողների ընդհանուր ժողովները—խորհրտնտեսություններում:

ՀՈԴՎԱԾ 50. Պատգամավորության թեկնածուներ չեն կարող լինել Աբխազական ԱԽՍՀ Գերագույն Խորհրդի ընտրությունների՝ Ոկրուգային ընտրական հանձնաժողովների, ինչպես նաև այն ոկրուգի Տեղամասային ընտրական

հանձնաժողովի անդամները, վորտեղ նրանք առաջադրված են վորպես պատգամավորություն թեկնածու:

ՀՈԴՎԱԾ 51. Վոչ ուշ, քան ընտրություններից 30 որ առաջ Աբխազական ԱԽՍՀ Գերագույն Խորհրդի պատգամավորության թեկնածուներ առաջադրող՝ աշխատավորների բոլոր հասարակական կազմակերպությունները կամ ընկերությունները պարտավոր են պատգամավորության թեկնածուներին ցուցակագրել Աբխազական ԱԽՍՀ Գերագույն Խորհրդի ընտրությունների համապատասխան Ոկրուգային ընտրական հանձնաժողովում:

ՀՈԴՎԱԾ 52. Աբխազական ԱԽՍՀ Գերագույն Խորհրդի ընտրությունների Ոկրուգային ընտրական հանձնաժողովները պարտավոր են ցուցակագրել Աբխազական ԱԽՍՀ Գերագույն Խորհրդի պատգամավորության բոլոր թեկնածուներին, վորոնք առաջադրվել են աշխատավորների հասարակական կազմակերպությունների և ընկերությունների կողմից, պահպանելով Աբխազական ԱԽՍՀ Սահմանադրության և «Աբխազական ԱԽՍՀ Գերագույն Խորհրդի ընտրությունների կանոնադրություն» պահանջները:

ՀՈԴՎԱԾ 53. Աշխատավորների այն հասարակական կազմակերպությունները կամ ընկերությունները, վորոնք Աբխազական ԱԽՍՀ Գերագույն Խորհրդի պատգամավորության թեկնածու յեն առաջադրում, պարտավոր են ներկայացնել Ոկրուգային ընտրական հանձնաժողովին հետևյալ փաստաթղթերը.

ա) պատգամավորության թեկնածու առաջադրած ժողովի կամ նիստի արձանագրությունը, վորն ստորագրված է լինում նախագահության անդամների կողմից և վորի մեջ նշված է լինում նրանց տարիքը, բնակատեղը, թեկնածու առաջադրած կազմակերպության անունը, մատնանշված է լինում պատգամավորության թեկնածու



առաջադրած ժողովի կամ նիստի տեղը, ժամանակը և մասնակիցների թիվը, ընդվորում արձանագրության մեջ պետք է մատնանշված լինեն պատգամավորության թեկնածուի ազգանունը, անունը, հայրանունը, տարիքը, բնակատեղը, կուսակցականությունը, զբաղմունքը:

բ) Պատգամավորության թեկնածուի հայտարարությունը, թե ինքը համաձայն է քվեարկելու տվյալ ընտրական ոկրուգում՝ իրեն առաջադրած կազմակերպության կողմից:

ՀՈՂ-ՎԱԾ 54. Արխագական ԱՆՍՀ Գերագույն Խորհրդի պատգամավորության թեկնածուն կարող է քվեարկվել միայն մեկ ոկրուգում:

ՀՈՂ-ՎԱԾ 55. Արխագական ԱՆՍՀ Գերագույն Խորհրդի ընտրությունների Ոկրուգային ընտրական հանձնաժողովի հրաժարումը պատգամավորության թեկնածուին արձանագրելուց՝ կարող է բողոքարկվել 2 որվա ընթացքում կենտրոնական ընտրական հանձնաժողովին, վորի վորոշումը վերջնական է:

ՀՈՂ-ՎԱԾ 56. Արխագական ԱՆՍՀ Գերագույն Խորհրդի յուրաքանչյուր ցուցակագրված պատգամավորության թեկնածուի ազգանունը, անունը, հայրանունը, տարիքը, զբաղմունքը կուսակցականությունը և թեկնածուին առաջադրող հասարակական կազմակերպության անունը հրապարակում է Ոկրուգային ընտրական հանձնաժողովը, վոչ ուշ քան ընտրություններից 25 որ առաջ:

ՀՈՂ-ՎԱԾ 57. Արխագական ԱՆՍՀ Գերագույն Խորհրդի պատգամավորության բոլոր զբանցված թեկնածուները պարտադիր կարգով պետ է մտցվեն ընտրական բյուլլետենի մեջ:

ՀՈՂ-ՎԱԾ 58. Արխագական ԱՆՍՀ Գերագույն Խորհրդի ընտրությունների Ոկրուգային ընտրական հանձնաժողովները

պարտավոր են վոչ ուշ, քան Արխագական ԱՆՍՀ Գերագույն Խորհրդի ընտրություններից 15 որ առաջ տպագրել և բոլոր Տեղամասային ընտրական հանձնաժողովներին ուղարկել ընտրական բյուլլետենները:

ՀՈՂ-ՎԱԾ 59. Ընտրական բյուլլետենները տպագրվում են համապատասխան ընտրական ոկրուգի ազգաբնակչության լեզվով:

ՀՈՂ-ՎԱԾ 60. Ընտրական բյուլլետենները տպագրվում են կենտրոնական ընտրական հանձնաժողովի սահմանած ձևով և այնպիսի քանակությամբ, վոր ապահովվի ընտրական բյուլլետենների մատակարարումը բոլոր ընտրողներին:

ՀՈՂ-ՎԱԾ 61. Յուրաքանչյուր կազմակերպության համար, վորն առաջադրել է Ոկրուգային ընտրական հանձնաժողովում ցուցակագրված թեկնածու, ինչպես և Արխագական ԱՆՍՀ յուրաքանչյուր քաղաքացու համար իրավունք է ապահովվում առանց արգելքի ագիտացիա մղելու այդ թեկնածուի ոգտին ժողովներում, մամուլում և այլ յեղանակներով, համաձայն Արխագական ԱՆՍՀ Սահմանադրություն 92-րդ հոդվածի:

★

ՀՈԴՎԱԾ 62. Աբխազական ԱԽՍՀ Գերագույն Խորհրդի ընտրությունները կատարվում են մեկ որվա ընթացքում, վորն ընդհանուր է Աբխազական ԱԽՍՀ համար:

ՀՈԴՎԱԾ 63. Աբխազական ԱԽՍՀ Գերագույն Խորհրդի ընտրությունների որը սահմանում է Աբխազական ԱԽՍՀ Գերագույն Խորհրդի նախագահությունը վոչ ուշ, քան ընտրությունների ժամկետից 2 ամիս առաջ: Ընտրությունները կատարվում են վոչաշխատանքային որը:

ՀՈԴՎԱԾ 64. Ընտրությունների մնացած վերջին 20 որվա ընթացքում Տեղամասային ընտրական հանձնաժողովն ամեն որ հրապարակում կամ վորեւե այլ միջոցով ընտրողներին լայնորեն հաղորդում է ընտրությունների որվա և ընտրությունների տեղի մասին:

ՀՈԴՎԱԾ 65. Ընտրողներն իրենց ձայները տալիս են ընտրությունների որը, առավոտյան ժամը 6-ից մինչև գիշերվա 12-ը՝ տեղական ժամանակով:

ՀՈԴՎԱԾ 66. Ընտրությունների որը, առավոտյան ժամը 6-ին Տեղամասային ընտրական հանձնաժողովի նախագահը հանձնաժողովի անդամների ներկայությամբ ստուգում է քվեատուփերը և ընտրողներին՝ սահմանված ձևով կազմված ցուցակի առկայությունը, վորից հետո փակում ու կնքում է քվեատուփերը հանձնաժողովի կնիքով և հրավիրում է ընտրողներին սկսել ձայներ տալ:

ՀՈԴՎԱԾ 67. Յուրաքանչյուր ընտրող քվեարկում է անձամբ, այդ նպատակով ներկայանալով քվեարկության

համար հատկացված շենքը, բնգվորում ընտրողներն իրենց ձայները տալիս են ընտրական բյուլլետենները փակ ծրուրով քվեատուփի մեջ գցելով:

ՀՈԴՎԱԾ 68. Ընտրությունների շենքում բյուլլետենները լրացնելու համար հատկացվում է առանձին սենյակ, վորտեղ քվեարկության ժամանակ արգելվում է, բացի քվեարկողներից, վորեւե մեկի, ներառյալ նաև Տեղամասային ընտրական հանձնաժողովի անդամների ներկայությունը. բյուլլետենները լրացնելու համար մի քանի ընտրողներ միաժամանակ ներս թողնելիս սենյակը պետք է ունենա միջնորմներ կամ շիրմաներ՝ միաժամանակ ներս թողնվող ընտրողների թվի համեմատ:

ՀՈԴՎԱԾ 69. Ընտրական շենքը յեկած ընտրողը, Տեղամասային ընտրական հանձնաժողովի քարտուղարին կամ անդամին ներկայացնում է կամ անձնագիրը, կամ կոլանտեսային գրքույկը, կամ արհմիութենական տոմսը, կամ վորեւե այլ անձնական վկայական, և ընտրողների ցուցակով ստուգվելուց ու ընտրողների ցուցակում նշվելուց հետո ստանում է սահմանված ձևի ընտրական բյուլլետեններ ու ծրար:

ՀՈԴՎԱԾ 70. Այն անձանց համար, վորոնք ընտրությունների շենքն են ներկայացել «քվեարկության իրավունքի վկայականով», համաձայն սույն՝ «Աբխազական ԱԽՍՀ Գերագույն Խորհրդի ընտրությունների կանոնադրության» 16-րդ հոդվածի, Տեղամասային ընտրական հանձնաժողովը կազմում է հատուկ ցուցակ, վորը կցվում է ընտրողների ցուցակին:

ՀՈԴՎԱԾ 71. Ընտրական բյուլլետենները լրացնելու համար հատկացված սենյակում ընտրողը յուրաքանչյուր ընտրական բյուլլետենում թողնում է այն թեկնածուի ազգանունը, վորի համար ձայն է տալիս ինքը, ջնջելով մյուսներինը. բյուլլետենը գնելով ծրարի մեջ ու փակցնելով

ծրարը, ընտրողն անցնում է այն սենյակը, վորտեղ գրանք-
վում է Տեղամասային ընտրական հանձնաժողովը և ըն-
տրական բյուլլետենը պարունակող ծրարը պցում է քվե-
ատուփի մեջ:

ՀՈԴՎԱԾ 72. Այն ընտրողները, վորոնք անգրագիտու-
թյան կամ վորևե ֆիզիկական թերության պատճառով
հնարավորություն չունեն ինքնուրույն կերպով լրացնելու
ընտրական բյուլլետենը, իրավունք ունեն ընտրական բյուլ-
լետենների լրացման սենյակը հրավիրել վորևե մի այլ
ընտրողի՝ ընտրական բյուլլետենը լրացնելու համար:

ՀՈԴՎԱԾ 73. Ընտրական շենքում՝ ձայներ տալու ժա-
մանակ՝ ընտրական ագիտացիա չի թույլատրվում:

ՀՈԴՎԱԾ 74. Ընտրական շենքի կարգապահության
համար պատասխանատվություն է կրում հանձնաժողովի
նախագահը, և նրա կարգադրությունները բոլոր ներկա
գտնվողների համար պարտագիր են:

ՀՈԴՎԱԾ 75. Ընտրությունների որվա զիշերը, ժամի
12-ին, Տեղամասային ընտրական հանձնաժողովի նախա-
գահը ձայներ տալն ավարտված է հայտարարում, և հանձ-
նաժողովն սկսում է բանալ քվեատուփերը:



ԳԼՈՒԽ VIII

ԸՆՏՐՈՒՅՑՈՒՆՆԵՐԻ ԱՐԴՅՈՒՆՔՆԵՐԻ ՎՈՐՈՇՈՒՄԸ

ՀՈԴՎԱԾ 76. Այն շենքում, վորտեղ Տեղամասային ըն-
տրական հանձնաժողովը հաշվում է ձայները, ձայներ
հաշվելու ժամանակ ներկա գտնվելու իրավունք ունեն
աշխատավորների հասարակական կազմակերպությունների
և ընկերությունների՝ դրա համար հատկապես լիազորված
ներկայացուցիչները, ինչպես և մամուլի ներկայացուցիչ-
ները:

ՀՈԴՎԱԾ 77. Տեղամասային ընտրական հանձնաժողո-
վը, բաց անելով քվեատուփերը, պցած ծրարների թիվը
համեմատում է քվեարկությանը մասնակցած անձերի թվի
հետ և ստուգման արդյունքները մոցնում է արձանագրու-
թյան մեջ:

ՀՈԴՎԱԾ 78. Տեղամասային ընտրական հանձնաժողովի
նախագահը բաց է անում ծրարները և Տեղամասային ընտ-
րական հանձնաժողովի բոլոր անդամների ներկայությամբ
կարդում է քվեարկման արդյունքները ըստ յուրաքանչյուր
բյուլլետենի:

ՀՈԴՎԱԾ 79. Պատգամավորության յուրաքանչյուր
թեկնածուի համար կազմվում է հաշվային թերթիկ՝ 2 որի-
նակ—հանձնաժողովի քարտուղարի կողմից և տեղամասա-
յին ընտրական հանձնաժողովի՝ դրա համար լիազորված
անդամների կողմից:

ՀՈԴՎԱԾ 80. Վավերական չեն համարվում.

ա) չսահմանված ձևի ու գույնի բյուլլետենները.

բ) առանց ծրարի կամ չսահմանված ձևի ծրարով տրը-

ված բյուլլետենները.

բ) այն բյուլլետենները, վորոնք պարունակում են ընտրվելիք պատգամավորների թվից ավելի թեկնածուներ:

ՀՈՂՎԱԾ 81. Ընտրական բյուլլետենի վավերական լինելու նկատմամբ տարակուսանք ծագելու դեպքում հարցը լուծում է Տեղամասային ընտրական հանձնաժողովը քվեարկության միջոցով, վորը նշվում է արձանագրության մեջ:

ՀՈՂՎԱԾ 82. Տեղամասային ընտրական հանձնաժողովը կազմում է քվեարկության սահմանված ձևի արձանագրության՝ յերկու որինակ, վորոնք ստորագրում են Տեղամասային ընտրական հանձնաժողովի բոլոր անդամները այդ թվում՝ պարտադիր կերպով նախագահն ու քարտուղարը:

ՀՈՂՎԱԾ 83. Տեղամասային ընտրական հանձնաժողովի քվեարկության արձանագրության մեջ պետք մատնանշված լինի.

ա) քվեարկության սկսվելու և վերջանալու ժամանակը.

բ) ընտրողների ցուցակով ձայն տված ընտրողների թիվը.

գ) «քվեարկության իրավունքի վկայականներով» ձայն տված ընտրողների թիվը.

դ) տրված ծրարների թիվը.

յ) Տեղամասային ընտրական հանձնաժողովին տրված զիմումների ու բողոքների հակիրճ բովանդակությունը և Տեղամասային ընտրական հանձնաժողովի ընդունած վորոշումները.

զ) ձայները հաշվելու արդյունքներն ըստ յուրաքանչյուր թեկնածուի:

ՀՈՂՎԱԾ 84. Ձայների հաշվելը վերջանալուց և արձանագրությունը կազմվելուց հետո հանձնաժողովի նախա-

գահը հրապարակում է քվեարկության արդյունքները հանձնաժողովի բոլոր անդամների ներկայությամբ:

ՀՈՂՎԱԾ 85. Տեղամասային ընտրական հանձնաժողովի կազմած քվեարկության արձանագրության մի որինակը, Արխագական ԱՆՍՆ Գերագույն Խորհրդի պատգամավորության թեկնածուների հաշվային թերթիկների յերկու որինակի հետ միասին 24 ժամվա ընթացքում, սուրհանդակի միջոցով, ուղարկվում է Արխագական ԱՆՍՆ Գերագույն Խորհրդի ընտրությունների Ոկրուգային ընտրական հանձնաժողովին:

ՀՈՂՎԱԾ 86. Բոլոր ընտրական բյուլլետենները (վավերականներն առանձին և վոչ վավերական ճանաչվածներն առանձին) պետք է կնքվեն Տեղամասային ընտրական հանձնաժողովի կնիքով և քվեարկության արձանագրության յերկրորդ որինակի ու կնիքի հետ միասին և Տեղամասային ընտրական հանձնաժողովի նախագահի կողմից հանձնվեն պահելու՝ քաղաքներում—աշխատավորների պատգամավորների քաղաքային Խորհուրդներին, իսկ գյուղական վայրերում—աշխատավորների պատգամավորների շրջանային Խորհուրդներին:

ՀՈՂՎԱԾ 87. Աշխատավորների պատգամավորների խորհուրդների վրա պարտականություն է դրվում պահելու ընտրական բյուլլետենները, մինչև վոր համապատասխան ոկրուգի պատգամավորների մանդատները հաստատվեն Արխագական ԱՆՍՆ Գերագույն Խորհրդի կողմից:

ՀՈՂՎԱԾ 88. Արխագական ԱՆՍՆ Գերագույն Խորհրդի ընտրությունների Ոկրուգային ընտրական հանձնաժողովը ձայները հաշվում է Տեղամասային ընտրական հանձնաժողովների ներկայացրած արձանագրությունների հիման վրա:

ՀՈՂՎԱԾ 89. Այն շենքերում, վորտեղ Ոկրուգային ընտրական հանձնաժողովը հաշվում է ձայները, ձայները հաշվելիս ներկա գտնվելու իրավունք ունեն աշխատավոր-

ների հասարակական կազմակերպությունների և ընկերությունների՝ դրա համար հատկապես լիազորված ներկայացուցիչները, ինչպես և մամուլի ներկայացուցիչները:

ՀՈՂՎԱԾ 90. Ոկրուգային ընտրական հանձնաժողովը յուրաքանչյուր թեկնածուի համար կազմում է 2 որինակ հաշվային թերթիկ, փորտեղ նշվում է յուրաքանչյուր պատգամավորության թեկնածուի ստացած ձայների թիվը:

ՀՈՂՎԱԾ 91. Ոկրուգային ընտրական հանձնաժողովը կազմում է քվեարկման արձանագրություն 2 որինակից, փորտնք ստորագրում են Ոկրուգային ընտրական հանձնաժողովի բոլոր անդամները, այդ թվում՝ պարտադիր կերպով նախագահն ու քարտուղարը:

ՀՈՂՎԱԾ 92. Ոկրուգային ընտրական հանձնաժողովի արձանագրության մեջ պետք է մատնանշված լինի՝

ա) ոկրուգի ընտրողների ընդհանուր թիվը.
բ) քվեարկությանը մասնակցած ընտրողների ընդհանուր թիվը:

գ) յուրաքանչյուր պատգամավորության թեկնածուին տրված ձայների թիվը:

դ) Ոկրուգային ընտրական հանձնաժողովին տրված դիմումների ու բողոքների հակիրճ բովանդակությունը և ոկրուգային ընտրական հանձնաժողովի ընդունած վորոշումները:

ՀՈՂՎԱԾ 93. Ձայների հաշվելը վերջանալուց ամենաուշը 24 ժամ հետո Արխագական ԱԽՍՀ Գերագույն Խորհրդի ընտրությունների Ոկրուգային ընտրական հանձնաժողովի նախագահը պարտավոր է արձանագրության առաջին որինակը հաշվային թերթիկների հետ միասին, կնքված, սուբսանդակի միջոցով, ուղարկել Կենտրոնական ընտրական հանձնաժողովին:

ՀՈՂՎԱԾ 94. Արխագական ԱԽՍՀ Գերագույն Խորհրդի պատգամավորության այն թեկնածուն, վորն ստացել է

ձայների բացարձակ մեծամասնություն, այսինքն՝ ոկրուգում տրված և վավերական ճանաչված բոլոր ձայների կեսից ավելին, ընտրված է համարվում:

ՀՈՂՎԱԾ 95. Արձանագրությունն ստորագրվելուց հետո Արխագական ԱԽՍՀ Գերագույն Խորհրդի ընտրությունների Ոկրուգային ընտրական հանձնաժողովի նախագահը հրապարակում է ընտրությունների արդյունքները և ընտրվելու մասին վկայական է տալիս Արխագական ԱԽՍՀ Գերագույն Խորհրդի՝ պատգամավորության ընտրված թեկնածուին:

ՀՈՂՎԱԾ 96. Յեթե թեկնածուներից վոչ մեկը ձայների բացարձակ մեծամասնություն չի ստացել, համապատասխան Ոկրուգային ընտրական հանձնաժողովն այդ նշում է արձանագրության մեջ առանձին և հաղորդում է Կենտրոնական ընտրական հանձնաժողովին և միաժամանակ հայտարարում է ձայների ամենամեծ թիվն ստացած յերկու թեկնածուների վերաքվեարկում, ինչպես նաև նշանակում է վերաքվեարկման օրը, վոչ ուշ, քան ընտրությունների առաջին շրջանը լրանալուց 2 շաբաթ հետո:

ՀՈՂՎԱԾ 97. Յեթե ոկրուգում տրված ձայների թիվը կազմում է այդ ոկրուգում քվեարկելու իրավունք ունեցող ընտրողների կեսից պակաս մասը, Արխագական ԱԽՍՀ Գերագույն Խորհրդի ընտրությունների Ոկրուգային ընտրական հանձնաժողովն այդ նշում է առանձին արձանագրության մեջ և անհապաղ հաղորդում է Կենտրոնական ընտրական հանձնաժողովին, ընդվորում այդ ղեպքում Կենտրոնական ընտրական հանձնաժողովը նշանակում է նոր ընտրություններ վոչ ուշ, քան առաջին ընտրություններից յերկու շաբաթ հետո:

ՀՈՂՎԱԾ 98. Պատգամավորության թեկնածուների վերաքվեարկումը ինչպես նաև վոչ վավերական ճանաչված-

ների փոխարեն կատարվելիք նոր ընտրությունները տեղի չեն ունենում առաջին ընտրությունների համար կազմված ընտրողների ցուցակներով և լիովին համապատասխան չունեն՝ «Արևիկական ԱԽՍՀ Գերագույն Խորհրդի ընտրությունների կանոնադրության»:

ՀՈԴՎԱԾ 99. Արևիկական ԱԽՍՀ Գերագույն Խորհրդի կազմից պատգամավորի դուրս գալու դեպքում Արևիկական ԱԽՍՀ Գերագույն Խորհրդի նախագահությունը յերկու շաբաթվա ընթացքում համապատասխան ընտրական օկուպում նշանակում է նոր պատգամավորի ընտրությունների ժամկետը, սակայն վաղ ուշ, քան Արևիկական ԱԽՍՀ Գերագույն Խորհրդի կազմից պատգամավորի դուրս գալուց յերկու ամիս հետո:

ՀՈԴՎԱԾ 100. Ամեն վոք, ով բռնություն, խաբեություն, սպառնալիքների կամ կաշառքի միջոցով խոչընդոտ կհանդիսանա Արևիկական ԱԽՍՀ քաղաքացուն՝ Արևիկական ԱԽՍՀ Գերագույն Խորհրդի պատգամավոր ընտրելու կամ ընտրվելու իր իրավունքն իրականացնելու գործում—պատժվում է ազատազրկմամբ մինչև 2 տարի ժամանակով:

ՀՈԴՎԱԾ 101. Խորհրդի այն պաշտոնատար անձը կամ ընտրական հանձնաժողովի անդամը, վորը կհեղժի ընտրական փաստաթղթերը կամ ղեկավարյալ կերպով օխալ կհաշվի ձայները,—պատժվում է ազատազրկմամբ մինչև 3 տարի ժամանակով:

ԱՔԻԱԶԱԿԱՆ ԱԽՍՀ ԿԵՆՏՐՈՆԱԿԱՆ ԳՈՐԾԱԴԻՐ ԿՈՄԻՏԵՅԻ ՆԱԽԱԳԱՀԻ ՊԱՇՏՈՆԱԿԱՏԱՐ՝

Ա. ՌԱՊԱՎԱ

ԱՔԻԱԶԱԿԱՆ ԱԽՍՀ ԿԵՆՏՐՈՆԱԿԱՆ ԳՈՐԾԱԴԻՐ ԿՈՄԻՏԵՅԻ ՔԱՐՏՈՒՂԱՐԻ ՊԱՇՏՈՆԱԿԱՏԱՐ՝ ԿԵՆՏԳՈՐԾԿՈՄԻ ՆԱԽԱԳԱՀՈՒԹՅԱՆ ԱՆԴԱՄ՝

Մ. ԽԱՇԲԱ

Պատասխանատու խմբագիր՝ Ա. Բալանթարյան

Տեխ. խմբագիր՝ Ա. Բալանթարյան.

Сдано в печать 15/III, подписано к печати 3/IV 1988 года. Объем 2 листа, вместимость 23,760 зн., бумага 72×94 см.

Заказ № 1501

Тираж 3100

Уполн. Главлита № 124

г. Сухуми, ул. Ленина, 4. Типография Абгиза.

05



ՀՀ Ազգային գրադարան



NL0206445

ԳԻՆԸ 20 Կ.

35.617



Положение о выборах в Верховный
Совет Абхазской АССР.